

四庫全書

子部

欽定四庫全書

冊府元龜卷九百七十五

宋 王欽若等 撰

外臣部

褒異第三

唐玄宗開元十年正月壬子蠻大酋長張化誠大酋望
楊大充並來朝以化誠為左領軍衛員外將軍放還蕃
以大充為右驍衛翊府員外中郎將留宿衛

三月丁卯突厥騎施大酋領葛邏昆池等八人來朝並

授將軍賜紫袍金帶放還蕃

四月丁酉契丹首領松漠府都督李鬱干為松漠郡王
奚首領饒樂府都督李魯蘇為饒樂郡王各賜物一千
匹銀器七十事及錦袍鈿帶等

五月戊午突厥遣大首領阿史德曠泥熟來求和授右
驍衛大將軍員外置放還蕃

閏五月癸巳黑水酋長親屬利稽來朝授勃州刺史放
還蕃勃蕃中州也

七月甲戌契丹遣使大首領楷落來朝授郎將放還蕃
丙子美遣其兄奴默俱及聳鏢高來朝皆授將軍賜紫
袍銀鈿帶金魚袋留宿衛

九月己巳大拂涅靺如價及鐵利大拂涅買取利等六
十八人來朝並授折衝放還蕃突厥大首領可選拔護
他滿達干來朝授將軍放還蕃堅昆大首領伊悉鉢舍
友者畢施頡斤來朝授中郎將放還蕃

十月己亥鐵利靺鞨可婁計來朝授郎將放還

蕃

十一月辛未渤海遣使其大臣味勃計來朝并獻鷹授
大將軍賜錦袍金魚袋放還蕃

十二月戊午黑水靺鞨大酋長倪屬利稽等十人來朝
並授中郎將放還蕃

十一年三月辛巳北庭十姓大酋領沙羅烏卒來朝授
郎將放還蕃

四月己未吐蕃首領張甘松來降授員外鎮將留宿衛

奚首領李日越等來朝授員外折衝留宿衛

七月戊辰突厥大首領阿史那瑟鉢達干等三十
二人來朝授瑟鉢達干大將其屬並授郎將放還
蕃

十一月甲戌突厥遣其大臣可邏拔護他滿庭于來
朝授將軍紫袍金帶放還蕃堅昆大首領俱力貧
賀忠頡斤來朝授郎將放還蕃越喜靺鞨勃施計拂
涅靺鞨朱施蒙鐵利靺鞨倪處梨俱來朝並授郎將

放還蕃

十二年二月丙申鐵利靺鞨漠池蒙來朝授將軍放還
越喜靺鞨奴布利等十二人來朝並授郎將放還蕃兀
部落佐破等十一人來朝並授果毅放還蕃拂涅靺鞨
大首領魚可蒙來朝授郎將放還蕃乙巳奚遣大首領
李奚奴等十人來賀正渤海靺鞨遣其臣賀祚慶來賀
正新羅遣其臣金武勳來賀正勃律遣大首領蘇磨羅
來賀正並進階游擊將軍各賜帛五十疋放還蕃丙辰

黑水靺鞨大首領屋作箇來朝連莫婁大首領諾皆諸
來朝並授折衝放還蕃丁巳契丹遣使涅禮來賀正并
獻方物授將軍賜綵一百疋放還蕃

三月癸酉遣使齎絹綿八萬段分賜奚及契丹勅曰公
主出降蕃王本擬安養部落請入朝謁深慮勞煩朕知
割恩抑而未許思加殊惠以慰遠心奚有五部落宜賜
物三萬段其中取二萬段先給征行遊奕兵及百姓餘
一萬段與東光公主饒樂王衙官刺史縣令契丹有八

部落宜賜物五萬段其中取四萬段先給征行遊奕兵士及百姓餘一萬段與燕公主松漠王衙官刺史縣令其物雜以絹布務令均平給訖奏聞

五月辛酉新羅賀正使金武勲還蕃上降書謂新羅王金興光曰卿每承正朔朝貢闕庭言念所懷深可嘉尚又得所進雜物等並踰越滄波跋涉草莽物既精麗深表卿心今賜卿錦袍金帶及綵素共二千疋以答誠獻至宜領也乙酉鐵利來朝並授折衝放還蕃松漠府契

丹遣使來朝饒樂府奚遣使獻麝香並授折衝放還蕃
七月壬戌突厥遣使哥解頡利發獻方物求婚宴于朝
堂賜帛五十疋丁丑尸利佛誓國王遣使俱摩羅獻侏
儒二人價耆婦女一人雜樂人一部及五色鸚鵡授摩
羅折衝賜帛一百疋放還蕃

八月庚子制曰尸利佛誓國三尸利陀羅拔麾遠脩職
貢載勤忠款嘉其乃誠宜有褒賜可遙授左威衛大將
軍賜紫袍金鈿帶

十二月辛卯突厥遣使裴啜羅來朝授郎將還蕃戊午
突厥遣其大臣阿史德瞰泥熟來朝授將軍賜紫袍金
帶魚袋放還蕃

十三年正月辛丑契丹奚遣使來賀正旦獻方物並授
中郎將賜紫袍銀鈿帶放還蕃黑水靺鞨遣其將五郎
子來賀正旦獻方物授將軍賜紫袍金帶魚袋放還蕃
丙午大食遣其將蘇黎等十二人來獻方物並授果毅
賜緋袍銀帶放還蕃

三月丙午鐵利靺鞨大首領封阿利等一十七人來朝
越喜靺鞨必利施來朝黑水靺鞨大首領烏素可蒙來
朝佛涅靺鞨薛利蒙來朝並授折衝放還蕃

四月甲子渤海首領謁德黑水靺鞨諾箇蒙來朝並授
果毅放還蕃

五月渤海王大武毅之弟大昌勃價來朝授左威衛員
外將軍賜紫袍金帶魚袋留宿衛黑水部落職紇蒙等
二人來朝授中郎將賜紫袍銀帶金魚袋放還蕃

七月戊申波斯首領穆沙諾來朝授折衝留宿衛突厥首領采施裴羅來朝授折衝放還蕃

十四年正月壬午突厥遣其大臣臨河達干康思琮來朝授將軍放還蕃丙午奚御史郡王父李緞進位右武衛員外大將軍及奚弱水州刺史李高進階鎮軍大首領曰走等二百餘人並授郎將及契丹衛官熟蘇進階鎮軍大將軍契丹縣令屬固家進位右領軍員外大將軍契丹部落寃離等百餘人並授郎將各賜紫袍放還

蕃以陪位泰山脩行賞之典也乙亥突騎施可汗遣首
領阿句支來獻馬授中郎將放還蕃突厥遣首領跌跌
裴啜等七千餘人來朝並授折衝放還蕃辛亥突厥遣
使執失頡利發等三百餘人來賀東封並授果毅放還
蕃

三月丙戌契丹遣其臣邵固來朝授郎將放還乙酉勅
海靺鞨王大都利來朝

四月癸丑契丹遣大首領李濶池等六人來朝皆授折

衝留宿衛乙丑渤海靺鞨王大都利來朝授左武衛大將軍員外置留宿衛勃羅遣使金忠臣來賀正賜帛百疋放還蕃

五月戊子新羅遣其弟金欽質來朝授郎將放還蕃乙未契丹部落刺史普固都及將軍顯歌皆獻戎捷授固都將軍顯歌郎將各賜帛百疋放還蕃

六月甲寅奚遣阿布高來朝授中郎賜紫袍金魚袋放還蕃

七月癸卯丹部落刺史出利縣令蘇固多等來朝授出利將軍固多郎將並放還蕃

十一月己卯吐火羅遣使持健來朝授中郎將賜紫袍金魚袋己亥突厥遣其大臣梅祿噉來朝授將軍賜紫袍金鈿帶放還蕃

十五年正月壬午笮州大首領鄧封獎白州大首領董芳檐並來朝咸授折衝放還蕃辛卯新羅遣使來賀正授奉御賜緋袍銀帶魚袋放還蕃

二月辛亥鐵利鞞鞞米象來朝授郎將放還蕃羅和異國大城主郎將波斯阿拔來朝賜帛百疋放還蕃因遣阿拔齋詔書宣慰于佛誓國王仍賜錦袍鈿帶及薄寒馬一匹

三月丁酉契丹遣首領諾括來送質子并獻方物授郎將放還蕃

四月丁未勅曰渤海宿衛王子大昌勃價及首領等久留宿衛宜放還蕃庚申封大昌勃價襄平縣開國男賜

帛五十疋首領已下各有差先是渤海王大武藝遣男利行來朝并獻貂鼠至是乃降書與武藝慰勞之賜綵練一百疋

六月乙丑瀚海大首領康移棧颶來朝授左領軍衛將軍賜紫袍銀鈿帶金魚袋放還蕃

十一月己酉契丹大首領承嗣來朝授中郎將放還蕃丙辰鐵利靺鞨首領失伊蒙來朝授果毅放還蕃

十六年二月庚午奚質子右領軍衛將軍李如越卒制

贈左驍衛大將軍官造靈輦給遞還矣

三月戊申金滿州都督沙陀輔國之母鼠尼施氏封為
鄯國夫人辛亥大食首領提卑多等八人來朝並授郎
將放還蕃

四月己巳護密國王遣米國大首領米忽汗來朝且獻
方物授將軍賜紫袍金帶放還戎

癸未渤海王子留宿衛大都利行卒贈特進兼鴻臚卿
賜絹三百疋粟三百石命有司弔祭官造靈輦歸蕃壬

申蠻大首堅洪充垂來朝授中郎將留宿衛

七月丙辰新羅金興光使從弟金嗣宗來朝且獻方物
授果毅留宿衛

八月丁丑契丹廣化王李邵固遣其子諾括來朝授大
將軍賜紫袍金帶放還蕃奚大首領特没干來朝授中
郎將賜紫袍金帶放還蕃

己卯突厥大首領屈達干來朝授將軍放還蕃

九月壬寅突厥大首領葛邏祿伊難如裴等來朝並授

中郎將賜紫袍銀鈿帶放還蕃渤海靺鞨於夫須計來朝授果毅放還蕃

十月丁丑勃律大首領吐毛檐沒師來朝授折衝賜紫袍金帶放還蕃奚首領李窟何來朝授左威衛將軍賜紫袍金帶放還蕃丙戌吐蕃莽悉曩等來朝授鎮將賜緋遣之

十一月乙酉右羽林軍大將軍兼安西副大都護四鎮節度等副大使謝知信卒贈涼州都督賻物五百段官

造靈輦給遞還鄉

十七年正月庚戌骨咄俟斤遣男骨都施來朝獻馬二
疋授郎將賜帛三十段放還蕃甲寅米國遣獻胡旋女
子三人及豹子各一賜帛百疋以遣之

三月甲子渤海靺鞨王大武藝使其弟大胡雅來朝授
游擊將軍賜紫袍金帶留宿衛

三月壬寅護密國大首領烏鶻達干來朝吐火羅葉護
骨咄國並遣使來朝癸卯渤海靺鞨遣使獻鮐魚賜帛

二十疋遣之已巳奚及契丹遣使來朝皆賜紫袍金帶
放還蕃

五月壬寅契丹遣衙前將軍粹來朝授懷化大將軍賜
紫袍金帶放還蕃

六月癸丑突騎施大首領葉支阿布思來朝授郎將賜
紫袍金帶魚袋

八月丁卯渤海靺鞨王遣其弟大琳來朝授中郎將留

宿衛

九月乙未大食國遣使來朝且獻方物賜帛百疋放還蕃

十八年正月戊寅吐蕃靺鞨遣其弟大郎雅來朝賀正獻方物波斯國王及新羅國王各遣使來朝賀正各賜帛有差壬子大佛涅槃鞞兀異來朝獻馬四十疋授左武衛折衝賜帛三十段留宿衛

二月甲戌新羅國王金興光遣姪志蒲獻小馬五疋狗一頭金二千兩頭髮八十兩海豹皮十張乃授志蒲太

僕卿員外置同正員絹一百疋紫袍銀鈿帶魚袋留宿
衛戍寅突厥遣使哥解骨支車鼻頡斤來朝獻方物渤
海靺鞨遣使智蒙來朝且獻方物馬三十疋授中郎將
賜絹二十疋緋袍銀帶放還蕃

四月戊戌米國石國吐蕃突厥各遣使來朝貢並賜帛
有差放還蕃

五月戊申契丹遣使獻馬十二疋賜帛放還蕃己酉渤
海靺鞨遣使烏那達利來朝獻海豹皮五張貂鼠皮三

張瑪瑙五一馬三十四授以果毅賜帛放還蕃
壬午黑水靺鞨遣使阿布思利來朝獻方物賜帛放還蕃

六月戊午黑水靺鞨大首領倪屬利稽等十人來朝並授中郎將放還蕃

九月乙丑靺鞨遣使來朝獻方物賜帛放還蕃

十月庚戌新羅國遣使來朝貢獻方物賜帛有差甲寅
護密國王羅真擅來朝獻方物賜帛兼袍銀鈿帶留宿

衛

十一月甲子波斯首領穆沙諾來朝獻方物授折衝留宿衛丁卯突厥首領米旅裴羅來朝授折衝放還蕃壬申契丹奚遣使來朝且獻方物賜帛放還蕃

十九年二月辛丑室韋遣使賀正授將軍放還蕃癸卯遠蕃靺鞨遣使賀正授將軍放還蕃戊午新羅遣其臣金志良來賀正授太僕少卿員外置賜帛六十四匹放還蕃降書與新羅金興光曰所進牛黃及金銀等物省表具知卿二明慶祚三韓善鄰時稱仁義之鄉代著勲賢

之業文章禮樂聞君子之風納款輸忠効勤王之節固
蕃維之鎮衛諒中外之儀表豈殊方悍俗可同年而語
耶加以慕義克勤述職愈謹梯山航海無倦於阻脩獻
幣貢琛有常於歲序守我王度垂諸國章乃眷懇誠深
可嘉尚朕每晨興佇念宵衣待賢想見其人以光啓沃
俟卿覲止允副所懷今使至知嬰疾苦不遂祇命言念
遐濶用增憂勞時候暄和想痊復也今賜卿綵綾五百
疋帛二千五百疋宜即領取已未渤海靺鞨遣使來朝

正授將軍賜帛一百疋還蕃

壬申突厥遣其大首領哥解骨支比施頡斤等五十人來朝並授折衝賜帛五十疋放還蕃

四月辛巳突厥可汗弟闕特勒卒帝降書弔之曰皇帝問突厥苾伽可汗國家惠綏黎蒸保乂函夏無有遠邇思致和平俾有厥休共登仁壽之域既罹于咎豈忘匍匐之救況可汗乂率忠順屢通款誠既和好克脩固災患是恤今聞可汗闕特勒沒喪良用撫然想友愛情深

家國任切追念痛惜何可為懷今申弔賻并遣致祭喻

意旨薦茲禮物

是年十一月詔金吾將軍張去逸都官郎中呂向賚璽書入戎弔并為立碑文

帝自為碑文仍立祠刻石為像

六月甲午突厥大首領蘇農屈達干來朝授郎將賜帛五十疋放還蕃

十月癸巳突厥遣其大臣蘇農屈羅達干等二十四人來朝並授郎將各賜帛六十疋放還蕃領西室韋遣使來朝賜帛五十疋放還蕃渤海靺鞨王其大姓取珎等

百二十人來朝並授果毅各賜帛三十疋放還蕃

二十年正月壬子奚國義王遣其首領佃蘇等來朝並授將軍賜帛有差放還蕃庚申新羅遣使賀正奚遣使賀正並授郎將賜帛有差放還蕃

二月癸巳突厥首領烏鶻達干來朝賜帛二十疋放還蕃

三月壬戌西南蠻蒙崇先來朝授郎將賜帛三十匹放還蕃室韋大首領薛勃海恍來朝授郎將賜帛五十疋

放還蕃

七月庚子突厥可汗堂弟阿支監捺來朝授將軍放還蕃

八月庚戌波斯王遣首領潘那蜜與大德僧及烈來朝授首領為果毅賜僧紫袈裟一副及帛五十疋放還蕃二十一年正月庚申命太僕卿員外置同正員金思蘭使于新羅思蘭本新羅之行人恭而有禮因留宿衛及是委以出疆之任且使之也

三月乙卯突厥遣使斯壁紆思鮮闕等十六人來朝並授郎將賜帛六十四匹放還蕃

閏三月辛卯箇失密王木多筆遣大德僧物理多年來獻表詔引物理多年宴于內殿賜絹五百疋數日放還蕃

四月壬戌奚首領屬鶻留來朝授果毅賜絹四十疋留宿衛突厥大使烏鶻達干來朝宴于內殿授將軍賜帛一百疋放還

八月甲辰骨咄王遣大首領如達干來朝授郎將放還蕃

九月丙子護密國真檀來朝宴于內殿授左金吾衛將軍員外賜紫袍帶魚袋等七事及帛百疋放還蕃戊寅突厥遣其大臣牟伽難達干等十二人來朝並授郎將賜綵六十疋放還蕃

十二月乙未新羅王興光遣姪志廉來朝謝恩也初帝賜興光白鸚鵡雄雌各一隻及紫羅繡袍金銀鈿器物

瑞文錦五色羅綵共三百餘段興光表曰伏惟陛下勅
象開元聖文神武應千齡之昌運致萬物之嘉祥風雲
所通咸承至德日月所炤共被深仁臣地隔蓬壺天蕪
洽遠鄉暎華夏睿澤覃幽伏覩瓊文跪披玉匣含九雷
之雨露帶五彩之鸞鷲辨慧靈禽素蒼兩妙或稱長安
之樂或傳聖主之恩羅錦彩章金銀寶鈿見之者爛日
聞之者驚心原其獻款之功實繇先祖錫此非常之靈
延及末孫微効若塵重恩如岳循涯揣分何以上酬詎

饗志廉內殿賜以束帛石汗那王易米施遣大首領婆
延達干來朝授中郎將放還蕃癸丑大食王遣首領摩
思覽達干等七人來朝並授果毅各賜絹二十疋放還
蕃

二十二年正月壬子新羅王興光大臣金端竭丹來賀
正帝於內殿宴之衛尉少卿員外賜緋襪袍平漫銀帶
及絹六十疋放還蕃

三月乙酉突厥遣其大臣斯壁紆思鮮闕來朝授左金

吾衛大將軍員外賜紫衣銀袍繡半臂金鈿帶魚袋七
事絹二百疋金銀器六事放還蕃癸丑西南蠻大酋率
蒙歸義遣使獻麝香牛黃降書慰勉賜絹二千疋雜綵
二百疋衣一副以酬之

六月丙申林邑國遣使獻沈香賜帛三十疋放還蕃乙
卯突騎施遣其大首領何羯達來朝授鎮副賜緋袍銀
帶及帛四十疋留宿衛

十二月庚戌突厥毗伽可汗小殺為其大臣梅祿噉所

毒而卒帝悼之輟朝三日勅曰情義所在禮固隨之豈
限華夷唯其人耳突厥毗伽可汗頃者雖處絕域嘗以
臣子事朕聞其永逝良用悼懷務廣宿恩以制權禮宜
令所司擇日舉哀甲寅於雒城南門舉哀命宗正李佺
申弔祭焉

二十三年二月癸卯新羅賀正副使金榮死贈光祿少
卿契丹蕃中郎可突于死贈左衛將軍

四月甲午勃律國大首領拔舍伽來朝授郎將賜帛五

十疋放還蕃辛丑突厥首領觸木日昆默達干等四十
二人來朝並賜緋袍銀帶放還蕃

閏十一月壬辰新羅王遣從弟大阿殫金相來朝死于
路帝深悼之贈衛尉卿

十二月己卯契丹遣使渴胡等來朝授果毅留宿衛

二十四年三月乙酉渤海靺鞨王遣其弟蕃來朝授太
子舍人員外賜帛三十疋放還蕃辛卯突厥首領薩合
朱來降授折衝員外置借緋魚袋留宿衛

八月甲寅突騎施遣大首領胡祿達干來求和許之宴于內殿授右金吾將軍員外置賜錦衣一副帛及綵一百疋放還蕃

九月丁丑封于闐國王尉遲伏闐達室氏為于闐妃十一月癸酉靺鞨首領聿棄計來朝授折衝賜帛五百疋放還蕃

二十五年正月甲午大佛涅靺鞨首領九異來朝授中郎將放還蕃波斯王子繼忽娑來朝授中郎將放還蕃

二月戊辰新羅國金興光卒先是二十二年以渤海靺鞨寇登州興光發兵助討破以功遂授興光開府儀同三司寧海使及卒帝悼惜久之贈太子太保遣贊善大夫攝鴻臚少卿邢璣往其國行弔祭冊立嗣子之禮帝親制詩序太子以下及百僚咸賦詩送璣帝謂璣曰新羅號為君子之國頗知書記有類中華卿至彼宜闡揚經典使知大國儒教之盛又聞其多善奕棊因令善棊人楊季膺與璣等至彼大為蕃人所敬愛厚賂而還

四月丁未渤海遣其臣公伯計來獻鷹鷂授將軍放還蕃

八月戊申渤海靺鞨大首領多蒙固來朝授左武衛將軍賜紫袍金帶及帛一百疋放還蕃

二十六年二月癸丑吐火羅遣大首領伊難如達干羅底睪來獻方物授果毅賜緋袍銀帶魚袋及帛三十疋放還蕃

六月丁未党項鶻攬支來降授果毅借緋魚袋與隴右

節度驅使辛亥突厥遣大首領烏鶻達干來朝授果毅
放還蕃

七月庚寅突厥首領特賜莫賀咄頡斤來朝授左金吾
衛大將軍員外置賜錢錦袍繡半臂及帛三百疋放還
蕃

二十七年二月丙子突厥大首領延陀俱末啜刺達干
來朝授將軍賜紫袍金帶放還蕃

二月丁未渤海王弟大勗進來朝宴于內殿授左武衛

大將軍員外置同正賜紫袍金帶及帛一百疋留宿衛
十月乙亥渤海遣使其臣優福子來謝恩授果毅賜紫
袍銀帶放還蕃

二十八年正月骨吐國大首領多攬達干彌羯搓來朝
授果毅放還蕃

二月辛酉以突騎施部落處木昆匄延闕律啜為右驍
衛員外大將軍阿史那洪達為太僕員外卿

三月癸卯冊新羅國王金承慶妻金氏為新羅王妃乙

已骨吐國遣大首領多博勤達干刺勿來朝命有司享之賜帛六十匹放還蕃

四月庚申吐蕃首領來歸賓等三人來降並授執戟留宿衛辛未冊十姓可汗阿史那斯妻李氏為交河公主壬申冊于闐王尉遲珪妻為氏為于闐王妃

七月乙巳首吐國大首領多攬達干彌羯槎來朝授果毅放還蕃

二十九年二月己巳渤海靺鞨遣其臣失阿利來賀正

越喜靺鞨遣其部落烏舍利來賀正黑水靺鞨遣其臣
阿布利稽來賀正皆授郎將放還蕃乙未婆羅門申天
竺國王子承恩來朝授游擊將軍放還蕃

四月丙寅突厥登利可汗死遣首領跌跌末思頡斤來
告哀授頡斤果毅賜紫袍金帶放還蕃

十二月丙申大食首領和薩來朝授左金吾衛將軍賜
紫袍金鈿帶放還蕃

天寶元年正月丁巳石國王遣使上表乞授長男那居

車鼻施官詔拜大將軍賜一年俸料

六月丙申賜三姓葉護都磨度闕頡斤鐵券曰於戲善於國者賞必加焉自古哲王率繇是道咨爾三姓葉護左羽林軍大將軍員外置同正員咄祿化加都磨度闕頡斤素稱驍悍兼蘊智謀當蘇祿之時雖力有所屈而懇誠之至乃朕則知元惡既除効勤彌亮果能率衆相與歸降斯盡節於朝廷且立功於疆場信義若此嘉尚良深是用授卿寵章榮彼蕃部今賜卿丹書鐵券傳之

子孫永固河山有如日月可不慎歟

十月己卯投降吐蕃白拘國四品籠官蘇唐封及狗舟
川五品籠官薛阿封等各賜紫袍銀鈿帶金魚袋及帛
三十疋癸未托悉密可汗大首領來朝賜錦袍金鈿帶
魚袋及帛四十匹庚辰帝御花萼樓出宮女譙毗伽可
汗妻可敦及男女等賞賜不可勝紀

二年正月丁卯契丹刺史劄從之等一百二十人奚刺
史達利胡等一百八十人並來朝冊勳皆授中郎將賜

紫袍金鈿帶金魚袋放還蕃

二月己丑解蘇國阿德悉遣大首領車鼻施達干羅頰
毅等二十人來朝且獻方物各授中郎將賜紫袍金帶
魚袋放還蕃

七月癸亥渤海王遣其弟蕃來朝授左領軍衛員外大
將軍留宿衛

十二月乙巳新羅王遣弟來賀正授左清道率府員外
長史賜綠袍銀帶放還蕃

三載七月癸酉封曹國王米國王康國王母可敦並為郡夫人

四載三月戊寅九姓首領回鶻思力裴羅及弟阿悉爛頡斤殺斬白眉可汗傳首京師授裴羅右驍衛員外將軍頡斤右武衛員外將軍策勲也

七月乙酉小勃律遣僧大德三藏伽羅密多來朝授右金吾衛員外中郎將放還蕃

八月戊申突厥伽可汗妻史氏內屬封賓國夫人仍每

載賜錢百貫以充粧粉

五載十月癸巳三葛邏祿必伽葉護頓阿波移健噶諧使朝貢授葉護為左武衛大將軍員外置依舊在蕃且使賜二色綾袍金帶七事放還蕃

七載八月庚戌悒怛國遣使朝貢授將軍賜二色綾袍金帶魚袋七事放還蕃戊午勃律國王蘇失利芝及三藏大德僧伽羅密多並來朝授伽羅密多鴻臚員外卿放還蕃賜蘇失利芝紫袍金帶留宿衛給官宅

八載八月乙亥護密國王羅真檀來朝請宿衛授左武
衛將軍留宿衛景子十姓突騎施遣使來朝授中郎將
賜錦袍金帶魚袋二事放還蕃

十月丁卯九姓勃曳固大毗伽都督默每等十人來朝
並授特進賜錦袍金鈿帶魚袋七事放還蕃

十一載正月甲申米越長史密利稽來朝授右衛將軍放
還蕃

二月丙申三葛邏祿遣使來朝賜錦袍金鈿帶魚袋七

事放還蕃

八月丙子回鶻遣使來朝賜文武百官縑帛有差

九月壬戌歸仁國遣使朝貢授中郎將賜紫袍金帶魚袋七事放還蕃

十二月己卯黑衣大食謝多訶密遣使來朝授左金吾衛員外大將軍放還蕃舍磨國寧遠國並遣使來朝皆賜錦袍金帶魚袋七事放還蕃

十二載七月辛亥黑衣大食遣大酋望二十五人來朝

並授中郎將賜紫袍金帶魚袋放還蕃

九月辛亥文單國王子率其屬二十六人來朝並授其屬果毅都尉賜紫金魚袋隨何履光于雲南征討事訖聽還蕃甲寅葛邏祿葉護頓毗伽生擒阿布思制授開府儀同三司封金山王依舊充葉護祿俸於北庭給其葉護妻及母並封為公國夫人

十二月丁亥護密國遣大首領朝貢賜錦袍金帶魚袋七事事畢放還蕃

十二載四月丙戌突騎施黑姓可汗及黑衣大食吐火
羅右可汗郡俱位國並遣使來朝各賜帛有差放還蕃
丁亥寧國及九姓迴紇米國並遣使來朝各賜錦袍金
帶放還蕃

五月壬寅帝以葛邏祿葉護有擒阿布思之功特降璽
書曰卿歸心向化守節安邊嘗獻忠誠無失蕃禮見不
善如鷹鷂之逐鳥雀嫉為惡似農夫之除蔓草信義若
此嘉歡良多阿布思負恩至深為衆所棄卿能為擒獲

送其形骸且此賊投卿本緣窮蹙苟欲延命元非好心
卿密察奸謀俾其就戮卿之智畧難可比方又聞數男
今見在彼種類既惡留用何為儻蘊習頑兇攪擾蕃落
處置不及追悔無繇可宜送來絕其後患卿今載已前
俸祿並令京軍給付後慮其遼遠任於北庭請受所請
印信並譯語人官並依來表今則別有少物賜卿至宜
領取

十四載三月丁卯阨拔國遣其王子自會羅來朝授右

武衛員外中郎將賜紫袍金帶魚袋七事留宿衛康國
王石國副王並遣使朝貢各授折衝都尉賜紫袍金帶
魚袋七事放還蕃

四月癸巳以投降蘇毗王子悉諾邏為左驍衛員外大
將軍封懷義王賜姓李名忠信其屬官賜各有差

六月壬子以寧遠國王子竇薛裕為左武衛員外將軍
賜金袍鈿帶魚袋七事放還蕃

冊府元龜卷九百七十五

欽定四庫全書

冊府元龜卷九百七十六 宋 王欽若等撰

外臣部

褒異第三

唐肅宗至德二載正月回紇大首領葛邏支將軍等來朝耻班在武臣之下他日帝親引上殿賜食并賜賚慰其意以遣之六月丁酉回紇首領大將軍多攪等十五人入朝賜食物衣有差閏八月戊寅回紇葉護太

子入見帝親宴慰賜以金帛器物恣其所欲待之甚厚

十月己酉奚首領白越及契丹首領捺括等入朝賜食金帛錦繡衣服等使還蕃

乾元元年二月乙卯護密國王使大首領羅友文來朝加特進左武衛大將軍仍聽還蕃

四月庚申罽賓王藏般若力中天竺國婆羅門三藏善部末摩箇失密三藏舍郡並慕入朝詔以力為太常少

卿末摩為鴻臚少卿並員外置

五月壬申朔詔以吐火羅三藏山那及弟子達摩首領
安延師等來詣闕以三藏為光祿少卿達摩可折衝都
尉延師可左清道率並員外置仍放還蕃又乾陀羅國
王使大首領中郎將踏匐勒特車鼻施達干並授將軍
放還蕃戊戌宴回紇使於紫宸殿

六月丙午回紇使達亥阿波刺史入朝迎公主詔授開
府儀同三司

七月癸未護密國王紇設伊俱臯施來朝帝嘉之賜姓李改名崇信

八月丁卯新羅國使來朝歸仁國使來朝並宴于紫宸殿

九月甲申回紇使大首領蓋將軍等謝公主下降兼奏破昆堅五萬人宴於紫宸殿賜物有差

十一月甲子迴紇使三婦人謝寧國公主之聘也賜宴紫宸殿

十二月黑衣跋陀國使伏謝多還蕃宴賜有差

二年三月甲申回紇王子骨咄特勒宰相帝德等十五人自相州奔于西京帝宴之紫宸殿賞物有差庚寅回紇特勒辭還行營帝宴之于紫宸殿賜物有差乙未以回紇王子新除右羽林大將軍員外置骨咄特勒為銀青光祿大夫鴻臚卿員外置辛丑回紇多害長吏等還蕃帝宴于紫宸殿賜物有差

八月壬戌十姓突騎施黑姓可汗阿多裴羅等并波斯

進物使李摩曰夜等及寧遠國使葛等來朝並宴於內殿

十二月戊申宴蕃胡柘羯於三殿各賜物三十段

三年正月乙酉宴奚使土門將軍賜金帛器物有差

四月壬辰隴右投降突厥奴刺德等五人於延英殿見賜物有差癸巳回紇俱錄莫賀連干等七十四人於延英殿見賜物有差

上元元年八月己卯回紇使二十人於延英殿通謁賜物有差

代宗寶應元年五月丁未回紇演者裴羅等十人來朝引見于延英殿賜物有差

六月乙卯突厥奴刺部落千餘人內屬請討賊自效丁巳宴刺奴大首領于內殿賜物有差

八月己酉奚及契丹來朝宴于三殿

九月丙申以回紇可汗舉國兵馬至太原遣使奉表請

助王師討平殘寇是日引其使宴于延英殿賜物有差十一月丁亥回紇遣使拔賀那上表賀收東京并獻逆賊史朝義旌旗等物引見于內殿賜綵物二百疋

永泰元年六月癸亥突厥自賀蘭等一十二人來朝並留左羽林軍宿衛

二年四月甲子回紇遣首領密悉吉等及牙帳一百人來朝宴于紫宸殿壬子新羅王金獻英遣使朝貢授其使檢校禮部尚書遣之

大歷二年三月己卯宴吐蕃使于禮賓院

三年正月甲子冊新羅國王金乾運母為妃

五月丙寅御紫宸殿宴新羅回紇使

四年十月丁巳宴吐蕃尚悉摩等八人於紫宸殿

六年十一月乙酉宴文單國王婆娑等二十五人于三
殿

七年四月甲寅回紇王子左武衛員外大將軍奢兼義
卒贈天水郡王葬事官給令京兆尹充使監護兼義歸

國宿衛因以賜姓及卒帝悼之乃加禮優寵

五月丁未新羅遣金標石來賀正授衛尉員外少卿放
還蕃

九年二月甲午許蓮華寺尼悟空似先氏還俗封沂國
夫人并賜實封一百戶似先氏回紇可汗之妻母故特
寵之也

七月辛酉宴吐蕃使于內殿癸巳宴迴紇使骨咄祿梅
羅達干等賜物有差

十一月壬子新羅賀正使還蕃授衛尉員外郎遣之

十二年十月追贈九姓回紇宰相曹密粟亡妻石氏為

岷國夫人

德宗貞元四年五月賜宴東蠻鬼王驃傍苴夢衝苴烏

星等於麟德殿頒賜各有差

驃傍等自宿雋州臣於吐蕃絕朝貢者三十餘年及

是劍南節度韋皋招誘之始棄吐蕃內附來朝特封為和義順正等郡王且授以冠帶仍給西林勿登等部部

印而遣之

五年十二月庚午回紇洎咄祿長壽天親毗伽可汗薨

廢朝三日仍令文武三品已上就鴻臚弔其使者

六年十二月丙申詔九姓回鶻登里羅沒密施俱錄忠貞毗伽可汗薨廢朝三日仍令文武官三品已下就鴻臚弔其使者

七年五月戊辰以渤海賀正使太常靖為衛尉卿同正令歸國

八年七月甲子以回鶻使藥羅昊檢校尚書右僕射昊本唐人姓呂氏因入回鶻可汗使遂以可汗姓名藥羅

葛氏在國用事因來朝帝嘉賚之賜命官而遣之仍給市馬絹十萬疋

十年二月壬戌以來朝渤海王子太清允為右衛將軍同正其下拜官三十餘人契丹大首領梅落河奚大首領梅落隘都等皆授果毅都尉令歸國

四月戊辰以雲南來朝使段南羅為試太子詹事兼御史中丞

九月辛卯南詔使蒙湊羅揀及清平官尹求寬來獻鐸

契浪人劍及吐蕃印八鈕湊羅揀異牟尋之弟也既朝
召見於麟德殿賚賜甚厚

十一年正月甲申以降吐蕃論乞髯湯沒藏悉諾碑為
歸德將軍

二月甲子以九姓迴鶻吐祿毗伽奉誠可汗卒廢朝三
日仍令文武三品已上官就鴻臚弔其使者

四月壬戌贈南詔異牟尋弟湊羅揀右常侍初牟尋令
湊羅揀入朝還國卒於道故追贈焉癸亥以南詔謝冊

使尹輔首為檢校太子詹事兼中丞餘皆授官有差甲子下勅書及贈帛賜南詔異牟尋及子各勸清平官鄭

迴尹求寬等各一書

書左始引中書三官宣奉行復舊制也

十二年七月壬辰贈故降吐蕃歸德將軍論乞髯湯沒藏悉諾碑懷化大將軍又以論乞髯子湯忠義為起德將軍

十四年正月壬辰以文單國朝貢使李頭及為中郎將放還蕃

九月丁卯以黑衣大食使舍差烏雞莎比三人並為中郎將放還蕃

十一月戊申以渤海國王大嵩隣姪能信為左驍騎衛中郎將虞婁蕃長都督茹富仇為右武衛將軍並放還蕃

十八年正月戊寅以驃國王子悉利移為試太僕卿

十九年正月癸丑南詔朝賀使楊鏌龍試太僕少卿兼待御史黎州廓清道蠻首領襲恭化郡王劉志遠試太

常卿

二十年三月甲申以吐蕃贊普卒廢朝三日命工部侍郎張薦弔祭之命文武三品以上官弔其使

順宗以貞元二十二年正月丙申即位二月戊辰以新羅王金重熙母和氏為太妃妻朴氏為妃

憲宗元和元年二月丁酉授入朝奚王誨落銀青光祿大夫檢校司空饒樂郡王放還蕃國

十一月庚子朔己亥歸宿衛新羅王子金獻忠于其國

加試秘書監

二年八月丙辰朔授南詔使者鄧傍傳試殿中監

三年正月甲辰授奚首領索位威衛將軍同正充檀薊遊弈使仍賜姓李氏

三月丁亥以回紇滕里野人令俱錄毗伽可汗卒廢朝三日仍令文武三品已上就鴻臚寺弔其使者

十月己酉勅新羅王叔金彥昇弟仲恭等三人宜令本國准舊例賜戟

四年正月戊戌帝御麟德殿引南詔渤海使謁見賜物
有差

十月甲午以投來奚王沒辱孤為右領軍衛將軍員外
同正充幽州盧龍軍節度使平林游弈兵馬使仍賜姓
李氏

五年五月戊午麟德殿對歸國迴鶻伊難珠等三人賜
錦綵器服有差

十二月丁卯麟德殿召對奚丹使賜錦綵金帛有差

六年六月戊申三殿對回鶻及奚使者頒賜有差

七年正月癸酉帝御麟德殿對南詔渤海祥柯等使賜宴有差甲申賜渤海使官告三十五通衣各一襲丁亥御麟德殿對南詔使李興禮等各授以官宴賜有差

七月庚午以新羅質子試衛尉少卿賜紫金魚袋金沔為試光祿少卿充弔祭冊立副使隨崔稜赴新羅

八月丁亥朔勅新羅國大宰相金崇斌等三人宜付本國准舊例賜戟

八年五月戊午迴鶻請和親使伊難珠還蕃宴于三殿
賜以銀器繒帛

十二月壬辰帝御麟德殿召見契丹使達干可葛等賜
錦綵有差丙午宴南詔渤海牂牁使仍賜以錦綵

九年二月己丑麟德殿召見渤海使高禮進等三十七
人宴賜有差

十年正月丁酉詔賜渤海使者邠貞壽等官告放還蕃
及召見新羅及南詔蠻使宴賜有差

二月甲子賜渤海使大呂慶等官告歸之三月丙子賜渤海使者官告歸之

十一月丁酉歸契丹使以告身十九通賜其貴人

十二月辛丑賜南詔蠻使楊廷奇等告身二十九通丙午賜南詔蠻錦綵有差

十一年正月庚午授牂牁使者十六人官賜以銀綵庚寅以國信三十一封授南詔蠻使歸之甲申歸契丹使以告身十九通賜其貴人

二月癸卯賜回鶻渤海使錦綵銀器有差庚戌授渤海使高宿滿等二十人官

五月己酉以南詔蠻大首領蒙龍盛卒廢朝三日
十二年二月辛卯賜宴歸國回鶻摩尼僧等八人

三月甲戌以錦綿賜渤海使大誠慎等

四月庚子以吐蕃贊普卒廢朝三日

十三年九月癸巳御麟德殿對吐蕃使論句藏戊戌命宰臣宴吐蕃使人於中書省

十四年正月癸未御麟德殿對歸國迴鶻使宴賜有差
庚寅對南詔牂牁等使于麟德殿賜物有差

穆宗以元和十五年即位二月庚寅對新羅渤海朝貢
使于麟德殿宴賜有差

二月癸卯朔對歸國回鶻合達干等于麟德殿兼許和
親賜錦綵銀器有差

七月壬戌詔盛飾安國慈恩千福開業章敬等寺縱吐
蕃使者以觀焉乙丑對吐蕃弔祭使于麟德殿宴賜有

差

九月戊辰對吐蕃使於麟德殿宴賜有差

十一月辛酉對南詔奚契丹等使於麟德殿賜以銀器

錦綵

十二月壬辰對新羅渤海南詔牂牁昆明等使于麟德殿宴賜有差

長慶元年二月辛卯以九姓回鶻毗伽保義可汗薨輟朝三日仍令諸司三品以上官就鴻臚寺弔其使者

四月庚辰命宰臣等於侍中廳宴吐蕃使

二年正月壬子對渤海使者於麟德殿宴賜有差

六月丁卯吐蕃遣使來朝召對於麟德殿宴賜有差

八月壬午對吐蕃使者五十人於麟德殿宴賜有差

九月戊子朔宴吐蕃使論悉諾等十五人於中書省勅

曰蕃客等皆遠申朝聘節遇重陽宜共賜錢二百貫以

充宴賞仍給太常音樂丁巳對陰山府沙陀突厥兵馬

使朱邪執宜等於麟德殿仍賜官告錦綵銀器

十月壬子對回紇使者於麟德殿宴賜有差

敬宗寶歷元年六月丁亥命品官田務豐領國信十二車使迴鶻可汗及太和公主

文宗太和元年正月辛亥麟德殿對歸國吐蕃新羅使宴賜有差

四月癸巳御麟德殿對渤海使者十一人宴賜有差

十一月甲寅麟德殿對南詔契丹使宴賜有差

二年正月乙亥對歸國南詔使及入朝室韋于麟德殿

宴賜有差

八月丙子對入朝回鵬安寧四十人於麟德殿宴賜有差

十二月己卯渤海新羅室韋契丹南詔皆遣使朝貢並詔對於麟德殿宴賜有差

五年三月己亥朔新羅國王檢校太尉金彥昇薨廢朝六年正月麟德殿對南詔牂牁宴賜有差

二月丙辰麟德殿對入朝吐蕃論董渤藏等一十九人

又對渤海王子大明俊等六人宴賜有差

七年正月甲午麟德殿對牂牁刺史宗士方等四人甲寅麟德殿對歸國南詔蠻王丘銓等二十二人於內亭子賜食賜物有差

二月己卯麟德殿對歸國頰藏等一十九人渤海王子大光晟等六人牂牁刺史趙倫等四人昆明摩弥叔敬等七人宴賜有差

三月庚戌麟德殿對歸國迴鶻李義節等一十九人宴

賜有差

四月辛酉以九姓迴鶻可汗薨廢朝三日仍令諸司文武三品尚書省四品已上官就鴻臚寺弔其使者

十二月庚戌對室韋大都督阿朱等二十人牂牁刺史謝聞臺等二十人頒賜有差

八年正月庚午麟德殿對南詔及室韋奚契丹牂牁等使頒賜有差

開成元年十二月壬子新羅國質子試光祿卿賜紫金

魚袋金允夫進狀稱本國王命臣入朝充質二十六年
殮矣三蒙改授試官再當本國宣慰及冊立等副使准
往例皆蒙特授正官遂授武成王廟

二年正月癸巳上御麟德殿對賀正南詔洪龍軍三十
人渤海王子大明俊等一十九人宴賜有差

二月癸卯賜奚丹室韋等告身八十九通

六月甲寅賜宿衛新羅金忠信等錦綵有差

三年二月辛卯上麟德殿對入朝南詔祥柯契丹奚室

韋渤海等各賜錦綵銀器有差

四年正月御麟德殿對入朝賀正南詔趙首莫等三十
七人賜官告并錦綵銀器金銀帶衣服等有差

武宗開成五年正月即位十二月御三殿對歸國南詔
等十六人

會昌元年七月癸巳勅賜盟沒斯姓李名全忠制曰昔
項伯歸義奉春建策賜之劉氏列在漢宗爰寵茂勲抑
惟前典盟沒斯等代雄沙漠勇冠天山早稱良將之才

當佩名王之綬附于絕塞歲已再暮秉是一心竟全大
義今則解其毳服始列牙旗自我加恩益聞勵節驥登
吳坂感顧盼以長鳴劍出豐城絲拂拭以增煥又以右
北平太守李廣北狄避之號為飛將軍顧其苗裔頗在
龍庭美瓜瓞之所興因而命氏貴棟莠之方韉當使同
榮夫思在無邪忠為令德嘉其立志用以錫名爾宜念
之無替休命又以回鶻內宰相受耶勿充歸義軍副使
兼賜姓名制曰自古制軍必在佐貳逮至漢氏亦循舊

章既得將才俾參戎政實資謀策用正紀綱受邪勿往
在龍廷嘗為貴相乘其乖亂遂拔跡於殊隣加以懷柔
竟歸心於上國而又推誠所奉果協良圖每獲異謀必
來獻款旋觀深志可謂竭忠昔戎狄請和全繇孟樂呼
韓帥服始自秩訾言念茂功所宜異等因其請族錫以
嘉名漢賜旄侯尚採祭天之義魏親程昱用疇捧日之
心寵以貂璫冠於裨校服茲新命宜保厥終可檢校右
散騎常侍兼歸義軍副使仍賜姓受名弘順

十一月帝御麟德殿見室韋大首領督熱論一十五人
賜物有差

二年九月幽州節度使張仲武奏契丹新立屈戌等契
丹舊用丹之印為文

十二月御麟德殿引見室韋大首領督熱論一十五人
宴賜有差

六年正月南詔契丹室韋渤海牂牁昆明等使並朝于
宣政殿對於麟德殿賜食於內亭子仍賚錦綵器皿有

差

懿宗咸通元年正月御紫宸殿受朝對室韋使

昭宗天祐元年六月佛齊國入朝使蒲訶栗可寧遠將軍

梁太祖開平二年正月渤海國朝貢使殿中少令崔禮光已下各加爵秩并賜金帛有差

三年八月戊寅御文殿召契丹朝貢使昌鹿等五十人對見羣臣以遠蕃朝貢稱賀罷賜昌鹿以下酒食於客

省賚銀帛有差

九月癸卯賜契丹朝貢使曷魯押進將軍汚鹿副使夫
達通事王梅落及首領等銀絹有差

乾化元年十一月丙午以迴鶻都督周易言為右監門
大將軍同正地略李麥之石壽兒石論斯並左千牛衛
將軍同正李屋列殊安鹽山並右千牛將軍同正吐蕃
溫末首領杜論沒悉伽杜論心並左領軍衛將軍同正
溫末蘇論乞祿論右領軍衛將軍同正癸未迴鶻入朝

僧凝盧宜李思宜延錢等並賜紫衣還蕃

二年閏五月戊申詔以分物銀器賜渤海進貢首領以
下遣還其國庚申喞末首領熱逋鉢督崔延沒相等並
授銀青光祿大夫檢校太子賓客遣還本部

後唐莊宗同光元年十一月丁巳新羅國王朴英遣倉
部侍郎金樂錄事叅軍金幼卿朝貢賜物有差

二年四月戊寅新羅朝貢使授朝散大夫守倉部侍郎
賜紫金魚袋金岳為朝議大夫試衛尉卿

五月庚申賜渤海朝貢使大元讓等分物有差

八月渤海朝貢使王姪學堂親衛大元謀可試國子監

丞

十一月庚寅以黑水國朝貢元兒為歸化中郎將

三年五月乙卯以渤海國入朝使政當省守和部少卿

賜紫金魚袋裴璆可右贊善大夫

明宗天成二年三月乙卯以新羅國權知康州事王逢

規為懷化將軍新羅國前登州都督府長張希岩新羅

國登州知後官本國金州司馬李彥謨並可檢校右散
騎常侍庚午以新羅國入朝使中散大夫兵部侍郎賜
紫金魚袋張芬可檢校工部尚書副使兵部郎中賜緋
魚袋朴術洪可兼御史中丞判官倉部員外郎賜緋魚
袋李忠式可兼侍御史

四月新羅國康州遣使林彥朝貢對於中興殿賜物有
差

八月昆明大鬼主羅殿王普露靜王九部落各差使若

土等隨牂牁清州八郡刺史宋朝化等一百五十三人
來朝各賜等第官告繒帛錦衣銀器放還蕃

九月壬申契丹差梅老滑骨以下進奉各有頒賜

十二月宣飛勝指揮使安念德使於契丹賜契丹主錦
綾羅三百五十疋金花銀器五百兩寶裝酒器一副其
母繡被一張寶裝纓絡一副

三年正月己酉契丹主阿保機妻差使送前振武副使
劉在到行闕賜在金錢帛銀器金帶鋪陳氈褥甚厚甲

子契丹使秃泐悲梅老以下五十人進奉仍各賜錦衣
銀帶束帛有差宣散指揮使奔托山押國信賜契丹主
妻契丹指揮使郭知瓊歸國錫賚加等戊辰勅以吐蕃
野利延孫等六人並可懷遠將軍回鶻米里都督等四
人並可歸德將軍

二月甲午勅吐渾寧朔奉化兩府都知兵馬使檢校司
徒李紹魯可授光祿大夫檢校太保竭忠建策興復功
臣吐渾寧朔府都督檢校工部尚書赫連公德可金紫

光祿大夫檢校右僕射賜忠義正衛功臣

五月辛未回鶻使辭於便殿賜賚有差

九月甲申吐蕃回紇入貢使放還蕃賜錦衣繒帛有差
壬辰吐蕃使閻薩羅等三人並可歸化司戈回紇使羅
婆都督可歸化司階

十月甲子差春州刺史米海金押國信賜契丹王及
使梅老秀里等辭賜物有差

十二月壬戌吐蕃襲王子撥氍可歸德郎將首領十人

並授歸化司戈

四年正月壬辰回鶻入朝使掣撥都督等五人並可懷
化司戈

七月乙酉以渤海國前入朝使高正詞為太子洗馬

八月乙巳黑水朝貢使骨至來可歸德司戈癸亥北京
奏莫摩尼和尚摩尼回鶻之佛師也先自本國來大原
少尹李彥圖者武宗時懷化郡王李思忠之孫也思忠
本回鶻王子盟沒斯也歸國錫姓名關中大亂之後彥

圖挈其族歸太祖賜宅一區宅邊置摩尼院以居之至是卒

長興元年正月勅河西党項蕃官來萬德可懷化司戈餘如故

十二月以党項折家族五鎮都知兵馬使折文政檢校僕射以党項薄備家族都督薄備撒羅檢校尚書

二年十一月戊申以吐蕃首領撥里忙布蘭氈並為歸德司戈

三年正月渤海回鶻順化可汗吐蕃各遣使朝貢涼州
奏將吏有狀請朝廷命帥兼進方物諸蕃使各賜物有

差

三月丙申回鶻朝貢使都督拽祝為懷化將軍副使印
安勤懷化郎將監使美梨懷化司候判官裴連兒懷化
司階己亥以吐蕃朝貢使左廂首領右千牛衛將軍同
正野利閭心為歸德大將軍右廂首領錢心為懷化郎
將中廂首領李琪讀歸利司候重雲都督對兒六突兒

鷄並為歸德司階

五月契丹入朝使繡骨梅里辭歸蕃賜分物鞍馬錦袍
銀帶

七月詔特進檢校太保使持節玄菟州都督上柱國高麗國王建妻河東柳氏可封河東郡夫人高麗入朝使
太相王儒奏請也

十一月吐蕃朝貢使辭人賜虎皮一張皆披虎皮拜謝
委身婉轉落其羶帽見髮亂如蓬帝笑之不已

四年七月癸巳回鶻遣都督李米等三十人來朝進白

鶻一聯帝召對於廣壽殿厚加錫賚仍命解放其鶻

閏帝應順元年正月賜迴鶻入朝摩尼八人物有差

閏正月瓜州入貢牙將唐進沙州入貢梁行通回鶻朝

貢安摩訶等辭各賜錦袍銀帶物有差

廢帝清泰二年八月乙亥回鶻朝貢使密錄都督陳祿

海為懷化郎將副使達奚相溫為懷化司階監使屈密

錄阿撥為歸德司戈判官安均為懷化司戈

三年正月庚午以高麗朝貢使王子太相王規檢校尚書右僕射副使廣評侍郎崔儒試將作監其節級三十餘人並授司戈司階

二月戊辰以吐渾寧朔奉化兩府留後檢校尚書左僕射李可久超授檢校司徒其副使檢校工部尚書赫連海龍可檢校尚書左僕射其兩府大夫李鐵匱可檢校右僕射可久海龍鐵匱皆吐渾百姓赫連部落前朝賜姓己己以熟吐渾左廂都指揮使李全福右廂赫連撒

濫並可懷化司階指揮使党海甲段公奴梁康全王堂
九高骨吐山党公政段貞福康息力慕容于谷李海全
李冬山兩府都評事梁憂根啜等並可懷化司戈吐渾
指揮使党紇粹秦公達慕容葛禮並可懷化司戈皆吐
渾兩府白赫連之將校也

晉高祖天福二年春故契丹人皇王歸葬輟視朝三日
十一月詔賜北朝昌魯相公聶相公幽州趙思溫繒帛
器皿以前屯瀛州援王師討魏故也

三年五月回鶻朝貢使都督程全福并肅州甘州專使僧等歸本國賜鞍馬銀器繒帛有差

十一月授于闐國進奉使檢校太尉馬繼榮鎮國大將軍副使黃門將軍國子少監張再通試衛尉卿監使殿頭承旨通事舍人吳順規試將作少監回鶻使都督李方金歸義大將軍監使雷福德順化將軍

漢隱帝乾祐元年七月以回鶻入朝貢使李握為歸德大將軍副使安鐵山監使太相溫並為歸德將軍判官

翟毛哥為懷化將軍于闐入朝使王知鐸檢校司空副使張文達檢校右僕射監使劉行立檢校兵部尚書判官秦元保檢校左僕射並放還蕃

周太祖廣順元年二月癸丑寒食節太祖出玄化門至蒲池設御幄遙拜諸陵宣召契丹使裊骨支回鶻都督賜酒食未時還宮己未裊骨支辭賜衣着五十疋銀器二十兩綵二十疋又賜從人各綵三十疋

世宗顯德五年甲午詔賜迴鶻達怛國信物有差

六年正月壬子高麗國王王昭遣其臣王子佐丞王兢
佐尹皇甫魏光等來進名馬及織成衣襖弓劍器甲等
賜兢等龍衣銀帶器幣有差

十一月壬戌占城國進奉使蒲河散金婆羅等辭各賜
分物有差仍令齎金銀器千兩繒綵十段及細甲名馬
銀鞍勒等就賜本國主釋利因



冊府元龜卷九百七十六

欽定四庫全書

子部

冊府元龜卷九百七十九

七至

詳校官中書臣賈鉞

侍讀臣孫球覆勘

總校官庶吉士臣何思鈞

校對官中書臣葉蘭

謄錄監生臣任銜葵

欽定四庫全書

冊府元龜卷九百七十七

宋 王欽若等 撰

外臣部

降附

天生四夷以禦魑魅故前代聖王羈縻勿絕禽獸而畜之蓋以為中國之屏蔽也然或彊或弱忽往忽來故曰弱則卑服彊則驕尊斯其天性亦在御之而已自漢已來乃有嚮慕風教震懼威烈因其衰弱相率內附而乃

招諭之以禮申於撫納懷柔之以德厚其存恤以至張
官置吏設亭築塞錫之以衣冠印綬振之以繒絮菽粟
因以弭兵息役開疆拓土斯皆得來遠之道達禦戎之
要者焉

漢高祖十一年立南粵王使陸賈即授璽綬即就也就其所居而
立佗稱首稱臣

孝惠三年七月南粵王佗稱臣奉貢

是時遠東太守約朝鮮王滿為外臣

保塞外蠻夷毋使盜邊境

文帝元年大中大夫陸賈使南粵賜尉佗書佗頓首
謝願長為藩臣於是下令國中曰吾聞兩雄不俱立
兩賢不並世漢皇帝賢天子自今以來去帝制黃屋
左纛因為書稱蠻夷大長老夫臣佗昧死再拜上書
皇帝陛下老夫故粵吏也高皇帝幸賜臣佗璽以為
南粵王使為外臣時內貢職言以時輸入貢職孝惠皇帝即
位義不忍絕所以賜老夫者厚高后自臨用事近細
士用讒臣細士猶言小人也別異蠻夷出令曰毋予蠻夷外

粵金鐵田器

言非中國故云外粵

馬牛羊即予子牡母予牝

慮其蕃息也

老夫處辟馬牛羊齒已長

辟讀曰僻齒已長謂老也

以祭祀不修有死罪使內史蕃中尉高御史平凡

三輩上書謝過皆不反又風聞老夫父母墳墓已壞

削兄弟宗族已誅論

風聞風聲也

吏相與議曰今內不得

振於漢外亡以自高異

振起也

故更號為帝自帝其國

非敢有害於天下高皇后聞之大怒削去南粵之籍

使使不通老夫竊疑長沙王讒臣故敢發兵以伐其

邊且南方卑濕蠻夷西有西甌其衆半羸羸謂劣弱也南

面稱王東有閩粵其衆數千人亦稱王西北有長沙

其半蠻夷亦稱王

言長沙之國半
裸蠻夷之人

老夫故敢妄竊帝

號聊以自娛老夫身定百邑之地東西南北數千萬
里帶甲百萬有餘然北面而臣事漢何也不敢背先
人之故老夫處粵四十九年于今抱孫焉然夙興夜
寐寢不安席食不甘味目不視靡曼之色耳不聽鐘
鼓之音者以不得事漢也今陛下幸哀憐復故號通

使事漢如故老夫死骨不腐改號不敢為帝矣謹北
面因使者奉獻

景帝時

史不
書年

西羌研種留何率衆人求守隴西塞於是

徙留何等於狄道安故至臨洮氐道羌道縣

武帝建元三年秋閩粵發兵圍東甌東甌人告急天
子遣中大夫嚴助發會稽郡兵浮海救之漢兵未
至閩粵引兵去東粵請舉國徙中國乃悉興衆處江
淮之間

元朔元年三月東夷濊君南閭等口二十八萬人降以
為蒼海郡

元狩二年秋匈奴昆邪王殺休屠王并將其衆合四萬
餘人來降置五屬國

古以字

處之呂其地為武威酒泉

郡是時驃騎將軍霍去病

驃音頻妙切

將兵擊匈奴右地多

斬首虜獲休屠王祭天金人復西過居延攻祁連山大
克獲於是單于怨昆邪休屠居西方多為漢所破召其
王欲誅之昆邪休屠恐謀降漢休屠王後悔昆邪王殺

之并將其衆降漢

元鼎五年五月諫議大夫終軍使者安國少季使南粵

是時南粵王興年少太后繆氏中國人國人多不附太

后恐亂起亦欲倚漢威勸王及幸臣求內屬即因使者

上書請比內諸侯三歲一朝除邊關於是天子許之賜

其丞相呂嘉銀印及內史中尉太傅印餘得自置

丞相內史

中尉太尉之外皆任其國自選置不受漢之印綬

除其故黥劓刑用漢法諸使

者留填撫之

填音竹必切

六年春既平南粵時蒼梧王趙光與粵王同姓聞漢兵

至降為隨桃侯及粵揭陽令史定降漢為安道侯

揭音南

海粵將畢取以軍降為滕侯

粵將姓畢名取也功臣表滕屬南陽音來彫切

粵

桂林監居翁

桂林部監也姓居名翁

諭告甌駱四十餘萬口降為

湘城侯

元封二年壬子發巴蜀兵擊滅勞深靡莫

二國名

以兵臨

滇王始首善以故弗誅

言初始以來常有善意

滇王離西夷

言東嚮事

漢滇舉國降請置吏入朝於是以為益州郡賜滇王王

印復長其民

為之長帥

宣帝地節中匈奴前所得西噶居左地者

噶音匈奴種噶音奴獨切

其君長以下數千人皆驅畜產行與甌脫戰所戰殺傷甚衆遂南降漢

神爵二年五月羌若零離留且種兒庫

且音子問切

共斬先

零大豪猶非楊玉首

猶非及楊玉二人也一作首非

及諸豪弟澤陽雕

良兒靡忘皆帥煎鞏黃羝之屬四千餘人降漢初置金城屬國以處降羌是年秋匈奴大亂日逐王先賢揮將

人衆萬餘來降初先賢揮父左賢王當為單于讓狐鹿
姑單于許立之國人以故頗言日逐王當為單于日逐
王素與握衍胸鞬單于有隙即率其衆數萬騎歸漢

五鳳二年十一月匈奴呼遼累單于帥衆來降

遼古連
字累音

力追
切

甘露三年春呼韓邪單于為郅支所破遂稱臣來朝月

餘單于自請願留居光祿塞下

徐自為所
築者也

有急保漢受

降城

保守也於
此自守也

漢遣長樂衛尉高昌侯董忠車騎都尉

韓昌將騎萬六千又發邊郡士馬千數送單于出朔方

雞鹿塞

在朔方城
潼縣北

詔忠等留衛單于助誅不服又轉邊

穀米糲

糲乾飯也
音備

前後三萬四千斛給贍其食

成帝時

史不
書年

匈奴左伊秩訾為呼韓邪畫計歸漢竟以

安定其後或讒伊秩訾自伐其功嘗鞅鞅

代謂矜
其功力

呼韓

邪疑之左伊秩訾懼誅將其衆千餘人降漢

後漢光武建武元年復置護羌校尉官初白馬氏人悉

附隴蜀及隗囂滅其酋豪仍背公孫述降漢隴西太守

馬援上復其王侯君長賜以印綬

十二年九月真徼外蠻夷張游率種人內屬

十三年七月廣漢塞外白馬羌豪樓登等率種人五千餘戶內屬

二十年秋東方韓國人率衆詣樂浪內附

東方有辰韓馬韓謂之三

也韓國

二十三年十月高句麗率衆人詣樂浪內屬是月匈奴

莫鞬日逐王比率部曲遣使詣西河內附

先是二十二年單于與死

子左賢王烏達鞬候立為單于復死弟左賢王蒲奴立為單于比既呼韓邪單于之孫不得立密遣漢人郭衡奉由奴地圖二十三年詣西河太守求內附

二十四年春八部大人共議立比為呼韓邪單于以其大父嘗依漢得安故欲襲其號於是款五原塞願永為藩蔽扞禦北虜帝用五官中郎將耿國議乃許之其冬比自立為呼韓邪單于

二十五年烏丸大人郝且等九千餘人帥眾詣闕封其渠帥為侯王者八十餘人使居塞內布列遼東屬國遼

西右北平漁陽廣上谷代郡雁門太原朔方諸郡界招
來種人給其衣食置校尉以領護之遂為漢偵備擊匈
奴鮮卑

二十六年遣中郎將段郴授匈奴南單于印綬令入居
雲中始置匈奴中郎將兵衛護之先是二十四年匈奴
莫鞬日逐王比自立為南單于於是分為南北匈奴遣
子入侍

二十七年五月益州郡徼外哀牢王賢栗等遂率種人

中二千七百七十口萬七千六百五十九詣越雋太守

鄭鴻降求內屬先是二十三年賢栗擊附塞夷鹿芎

音多

哀牢之衆溺死數千人賢栗復遣其六王將萬人以攻

鹿芎鹿芎王與戰殺其六王哀牢耆老共埋六王夜虎

復出其尸而食之賢栗惶恐謂其耆老曰我曹入邊塞

自古有之今攻鹿芎輒被天誅中國其有聖帝乎天祐

助之何其明也至是遂求內屬

三十年正月鮮卑大人於仇滿賁滿頭等率種人詣闕

朝賀慕義內屬

明帝永平元年鮮卑大人皆來歸附並詣遼東受賞賜
青徐二州給錢歲二億七千萬為常

十二年正月益州徼外夷哀牢王柳貌遣子率種人內
屬其稱邑王者七十七人戶五萬一千八百九十口五
十五萬三千七百一十一西南去雒陽七千里帝以其

地置哀牢博南二縣割益州郡西部都尉所領六縣合

為永昌郡

是時益州刺史朱輔在州數歲宣示漢德威懷遠夷自汶山以西前世所不至正朔所未

加白狼樂本唐菽等百餘國戶百三十餘萬口六百萬上舉種奉貢稱為臣僕

章帝建初八年六月北匈奴三木樓訾大人稽留斯等率三萬八千人馬二萬匹牛羊十餘萬款五原塞降

章和元年十月北匈奴屋蘭儲等率衆降

和帝永元四年正月北匈奴右谷蠡王于除鞬自立為

單于款塞乞降

於除鞬其名也

遣大將軍左校尉耿夔授璽綬

六年四月蜀郡徼外大牂夷種羌豪造頭等率種人五十餘萬口內屬拜造頭為邑君長賜印綬是年蜀郡徼

外羌率種人遣使內附

十二年二月旄牛徼外白狼樓薄蠻夷王唐繒等遂率種人十七萬口歸義內屬是年西域蒙竒兜勒二國遣使內附

安帝永初元年正月蜀郡徼外羌龍橋等六種慕義降附三月永昌徼外焦僥種夷陸類等二千餘口舉種內附五月九真徼外夜郎蠻夷舉土內屬開境千八百四十里

二年閏七月蜀郡徼外羌薄申等八種三萬六千九百

口復舉土內屬十二月廣漢塞外參狼種羌二千四百

口復來內屬

五年高句麗王宮遣使貢獻求屬玄菟

元初一年正月蜀郡青衣道夷邑長令田

田令名

與徼外

三種夷三十一萬口齋黃金旄牛

旄牛既結毛為節也即今馬及弓莫三纓

也既舉土內屬

三年五月越嵩郡徼外夷犬羊等八種戶三萬一千口

十六萬七千六百二十慕義內屬

永寧元年十二月遼西鮮卑大烏倫其至鞬衆詣度遼將軍鄧遵降奉貢獻

延光元年十二月九真徼外蠻貢獻內屬

二年五月日南徼外蠻夷內屬

質帝永嘉元年二月叛羌詣尤馮翊梁並降是時諸羌衰耗並稍以恩信招誘之於是離切狐奴等五萬餘戶詣並降

靈帝建寧三年九月鬱林烏潯民相率內屬

烏潯南方夷號也時

谷永為鬱林太守以恩信結之烏潯人十餘萬內屬皆受冠帶開置七縣

章帝五年七月巴郡板楯蠻詣太守曹謙降

獻帝建安十年三郡烏丸觸等舉其縣降封為列侯

魏太祖平張魯于漢中是時巴七姓夷王朴胡寶邑侯

杜濩舉巴夷寶民來附於是分巴郡以胡為巴東太守

護為巴西太守皆封列侯

明帝景初元年右北平烏丸單于寇婁敢遼西烏丸都

督王護留等居遼東率部衆隨度遼將軍毋丘儉內附
齊王正始五年九月鮮卑內附置遼東屬國立昌黎縣
以居之

七年韓那奚等數十國各率種落降

蜀後主延熙十年衛將軍姜維出隴西南安金城界與
魏大將軍郭淮夏侯霸等戰於洮西涼州胡王白虎文
治無載等舉部落降維安撫居之于繁縣

晉武帝咸寧二年二月東夷八國歸化七月東夷十七

國內附

三年西北雜虜及鮮卑匈奴五溪蠻夷東夷三國前後
十餘輩各率種人部落內附

四年東夷九國內附

五年三月匈奴都督拔奕虛帥部落歸化十月匈奴餘
渠都督獨雍等帥部落歸化

太康元年六月東夷十國歸化

二年六月東夷五國內附

四年六月牂牁獠二千餘部落內屬

五年匈奴胡太阿厚率其部落二萬九千二百人歸化
六年四月參離四千餘部落內附

七年八月東夷十一國內附是年匈奴胡都大博及萎
莎胡等各率種類大小凡十萬餘口詣雍州刺史扶風
王駿降附

八年八月東夷二國內附是年匈奴都督大豆得一育
鞠等復率種落大小萬千五百口牛二萬二千頭羊十

萬五千口車廬什物不可勝紀來降并貢其屬物帝並撫納之

九年九月東夷七國詣拔尉內附

十年五月鮮卑慕容廆來降東夷十一國內附十二月奚軻男女十萬口來降

惠帝元康元年東夷十九國南夷二十四部並詣拔尉內附

宋孝武帝大明元年梁州獠來內屬立懷漢郡

南齊太祖建元四年南梁州刺史仇池公楊靈珍與二弟婆羅阿卜珍率部曲三萬餘人舉城歸附送母及子雙健阿皮於南鄭為質

陳文帝天嘉二年霍州四山蠻率部落內附

後魏道武天興元年四月鄜城屠各董羌杏城盧水郝奴河東蜀薛榆氏帥符興各率其種內附

二年八月西河胡帥護諾于丁零帥翟同屬帥韓龔並相率內附

三年十一月高車別帥勅健率九百餘落內屬

四年正月高車別帥率其部三千餘落內附

五年十二月越勒莫弗率其部萬餘家內屬居五原之
北

六年正月方尉遲部別帥率萬餘家內屬入居雲中

明元永興三年六月西河胡張賢等率營部內附十二
月蠕蠕斛律宗黨吐觝于等百餘人內屬

神瑞元年六月河西胡首劉遮劉退孤率部落等萬餘

家渡河內屬

二年二月河西胡劉雲等數萬戶內附

泰常二年十二月氏豪徐駸奴齊元子等擁部落三萬於雍遣使內附詔將軍王雒生及河內守楊聲等西行以應之

三年正月河東胡蜀五千餘家相率內附

五年四月河西屠各歸董大虎羌酋不蒙娥等遣使內附十二月杏城羌酋狄溫子率三千餘家內附

太武神鼎元年八月上部休屠胡酋金崔率部內屬又
上落巴渠泉午觸等萬餘家內屬

延和二年十二月隴西休屠王弘祖率衆內附

太延四年十二月上落巴渠泉輩等相率內附

文成大安三年十一月蠻王文虎龍率千餘家內附

四年十一月車駕渡漠蠕蠕絕跡遠遁其別部烏朱賀

顏庫二十顏率衆來降

獻文皇興三年十一月吐谷渾別帥白羊堤度汗率戶

內附

孝文延興元年九月高麗民奴乂等相率來降各賜田宅

二年正月太陽蠻酋桓誕率戶內屬拜征南將軍封襄陽王

三年十一月吐谷渾部內羌民鍾豈渴下等二千三百戶內附

太和五年七月蠕蠕引帥他稽率衆內附

十二年十二月蠕蠕伊吾戍主高羔子率衆三千以城
內附

十三年二月蠕蠕別帥訾呂勤率衆內附

十七年五月襄陽蠻酋雷婆思等率一千三百餘戶內
附徙居於太和川是年光城四山蠻帥田益宗遣使張
超奉表歸款

宣武景明元年六月大陽蠻酋田育丘等率戶內附
四年十二月蠕蠕高車民他莫孤率部來降

永平元年十二月漢東蠻民一萬七百戶相率內附
三年九月高車別帥可略汗等率衆一千七百內屬
孝明帝神龜二年十一月蠕蠕莫緣梁賀侯豆率男女
七百人來降

正光元年九月蠕蠕主阿那瓌來降

二年八月蠕蠕後主乂閭侯匿代來奔懷朔鎮是時

本傳

云正光中大都督司徒平南王破六韓孔雀率部一萬降於

爾朱榮詔加平北將軍第一領民酋長

東魏孝靜興和三年二月阿羅出吐拔那渾大率部來降四月阿至羅國王副伏羅越居子去賓來降

西魏元帝永熙二年三月阿至羅相率降款

文帝大統五年蔡陽蠻王魯超明內屬

恭帝二年諸蠻酋宜民王田興彥北荊州刺史梅季昌等相繼款附

後周武帝天和元年五月吐谷渾龍涸王莫昌率戶內附以其地為扶州

宣政元年正月吐谷渾偽趙王他婁屯來降

隋高祖開皇四年二月突厥蘇尼部男女萬餘人來降
是月突厥可汗阿史那玷率其屬來降五月契丹主莫
賀弗遣使請降是年党項千餘宗歸化

五年拓拔寧叢等各率衆詣旭州內附是年契丹悉其
衆款塞帝納之聽居其故地

六年正月党項羌內附是年契丹別部出伏等背高麗
率衆內附納之安置於渴奚郝頡之北

十六年党項寇會州詔發隴西兵以討之大破其衆又相率請降願為臣妾遣子弟入朝謝罪帝謂之曰還語爾父兄人生須有定居養老長幼而乃乍還乍走不取羞鄉里耶自是朝貢不絕

十九年四月突厥利可汗內附是時契丹別部四千餘家背突厥來降帝方與突厥和好重失遠人之心悉令給糧還本勅突厥撫納之固辭不去

仁壽元年五月突厥男女九萬口來降

煬帝大業三年七月啓民可汗上表請變服襲冠帶

五年六月伊吾吐屯設等獻西域數千里之地

八年正月突厥處羅可汗還蕃詔留其羸弱萬餘口令其弟建度開牧畜會寧郡

唐高祖武德元年七月闕可汗遣使內附闕可汗者西蕃突厥曷婆那可汗之次弟也初號闕達度設統部落於會寧郡控弦三千餘騎及隋亡自稱闕可汗初連橫於李軌隋西戎使者曹瓊據甘州誘之又以衆附瓊合

軍拒軌為軌所敗竄於達外拔谷與吐谷渾相唇齒至
是遣使朝貢舉國內屬八月華池胡帥劉企成率衆來
降十二月突厥曷婆那可汗自宇文化及所來降

可汗
先從

隋煬帝巡幸江都之敗隨
化及至黎陽因而西歸

四年契丹別部酋帥孫敖曹與靺鞨酋長突地稽俱請
內附

七年二月高句麗遣使內附受正朔請班歷許之
九年正月念諸川羌數百戶內屬

太宗貞觀二年二月靺鞨內屬四月契丹太賀摩會率其部來降十二月牂牁兗州蠻並遣使朝貢牂牁渠姓謝氏舊臣中國代為本土牧守隋末天下亂遂絕不通至是知中夏平定其首謝龍羽遣使修職貢勝兵數萬於是列其地為牂州拜龍羽為刺史兗州者牂牁之別部也牂牁隣境勝兵二萬列其地為兗州自是並朝貢不絕

三年九月突厥俟斤九人率三千騎來降十二月北突

厥利可汗阿史那什鉢苾與頡利有隙率所部來降是年南會州都督鄭元璿遣使招諭党項其長細封步賴舉部內附列其地為執州南平蠻遣使內附以其地隸

渝州

六年十月契苾何力率其部六十餘家款塞帝處之涼州先是五年詔開河曲地為十六州是年党項等羌前後內屬者三十萬口

十年三月吐谷渾請頒歷奉行年號並子弟入侍並從

之是年都布可汗阿史那社尒以地逼延陀款塞歸附
帝嘉其忠節授左驍衛大將軍妻以衡陽長公主拜駙
馬都尉

十三年六月渝州人侯弘仁自牂牁至西趙楊蒲洞出
邕州通交桂道蠻俚降者二萬八千餘戶

二十年八月車駕幸靈州次浮陽頓鐵勒迴紇拔野古
同羅僕骨多濫葛思結阿跌契丹奚結渾斛薛等十三
姓各遣使朝貢奏稱延陀可汗不事大國暴虐無道不

能與奴等為主人自死敗部落烏散不知所之奴等各
有分地不能逐阼延去也歸命天子願賜哀憐乞置漢
官司養育奴等帝意以破延阼遂空漢庭見其使至甚
悅遣黃門侍郎褚遂良引於縣解浮觴積載以禮之夜
分乃已

二十一年正月迴紇率衆內附十月奴刺啜訶侯友率
其部兵千餘口一萬內附

二十二年二月西蕃沙鉢羅葉護率衆歸附四月西突

厥泥伏沙鉢羅葉護阿史那賀魯率衆屬于庭州

十一月契丹帥窟哥奚帥可度者並率其部內屬以契丹部為松漠都督府拜窟哥為使持節十州諸軍事松漠都督又以其別帥達稽部置峭落州祈紇使部置殫汗州獨活部落置無逢州芬間部置羽凌州突使部置曰連州芮奚部置徒河州遂斤部置萬丹州伏部置足黎亦山二州各以其酋長尊紇主為刺史俱隸松漠焉以奚部置饒樂都督府拜可度為使持節六州諸軍州

饒樂都督又以別帥阿會部置弱水處和部置祈黎州
與失部置碓瓌州度稽部置大魯州元侯析部置渴野
州亦各以其酋長辱紇主為刺史俱隸於饒樂焉又于
營州置東夷校尉官

二十三年拔悉密吐毛達官肥羅察等以其部落內屬
是年西南徒莫祗蠻等各率其衆內屬以其地為傍州
望州覽州丘州並隸郎州都督府

高宗永徽二年十一月特浪生羌董悉奉求辟惠生羌

卜樓莫等各率種落萬餘戶詣茂州歸附

五年正月生羌大首領凍就率部落內附以其地置劍

州

顯慶元年七月西洱河大首領楊棟附顯和蠻大首領
王羅邗郎毘黎盤四州大首領王伽衝部落四千戶歸
附十一月生羌大首領浪我利波及鉢南伏浪恐等各
率部落歸附以其所部為柘拱二州

三年八月播羅哀生獠首領多胡桑等率部落六千餘

戶內附

咸亨三年正月昆明蠻一十四姓二萬三千戶相率內附分置殷州敦州總州以安輯之

玄宗開元二年閏二月突厥默啜之壻火拔頡利發石阿異失與妻來奔五月突厥屈利頡斤及三姓烏波都擔等詣并州內屬九月葛邏祿車鼻施失鉢邏侯斤等一十二人以涼州內屬命攝鴻臚卿鄭嘉祚往涼州宣勞是月胡祿屋闕及首領胡祿一千三十一人來降十

月胡祿屈二萬帳詣北庭內屬

三年二月突厥十姓部落左廂五咄之噉右廂五怒失
卑五侯斤及高麗王莫離支高文簡都督跌思大等各
率其衆自突厥相繼內屬前後二千餘帳四月三姓葛
邏祿率衆歸國帝降書慰曰三姓葛邏祿首領散爛侯
斤等冒涉遠來並平安好卿等一被驅率多歷歲年遂
背逆輸忠間行歸國言念誠節嘉賞良深緣彼部落初
來已令逐便安置卿等來日大首領及將士已下竝得

安穩以否有所事意具狀奏來

四年九月契丹李失活奚李大酺各以所部來降

六年四月突厥賀魯阿波屬下首領倍羅賀魯曳辭等

投降五月契丹部落孫骨納等十八人內屬並授游擊

將軍賜緋袍銀帶留宿衛

十一年九月吐谷渾率其眾詣沙州內屬詔張敬忠安

存之降書吐渾曰卿北被吐蕃收留阻我聲教自棄沙

塞于今數年彼蕃每肆侵凌百姓聞甚辛苦今遠申誠

欵朕甚嘉焉

二十七年九月處木昆匄延闕律毀部落拔塞幹部落
鼠尼施部落阿悉告部落弓月部落哥係部落皆遣使
謝恩請內屬許之其表曰臣等生在荒裔久闕朝宗國
亂主薨互相攻殺賴陛下聖恩遐布愍念蒼生令磧西
節度使蓋嘉運統領兵馬撫臣遠蕃誅暴拯危存恤蕃
部臣等伏願稽首聖顏兼將部落於安西管内安置永
作邊扞長為臣子今者載馳驟首天路不任嘉躍之至

二十八年十二月突騎施可汗英賀達干率其妻子及
燾官首領百餘人內屬初賀達干與烏蘇萬雄扇誘諸
蕃背叛帝命蓋嘉運宣恩招諭皆相率而降

天寶元年八月突厥阿布惠及默啜可汗之孫登利可
汗之女與其黨屬來降九月護密國王子頡吉叻遣使
上表請背吐蕃來屬

四年曹國王哥邏僕遣使上表自陳宗祖以來向天可
汗忠赤常受徵發望乞茲恩將奴國土同為唐國小州

所須驅遣奴身一心忠赤為國征討

十三載二月劍南節度奏女國南王國及白狗並率部落內屬閏十一月吐蕃白蘭二品官籠董占庭等二十一人來降並授左武衛員外大將軍

十四載正月蘇毗王子悉諾邏率其首領數十人來降隴右節度使哥舒翰奏曰蘇毗一蕃最近河北吐澤部落數倍居人蓋是吐蕃與國強授軍糧兵馬半出其中自沒凌替送款事彰家族遇害二千餘人悉其種落皆

為猜阻今此王子又復歸降臨行事洩還遭掩襲一千餘人悉被誅夷猶獨與左右苦戰獲免且吐蕃蘇毗互相屠戮心腹自潰滅亡可期但其王去逆歸仁則是國家盛事伏望宣付史館旌其慕化從之

代宗寶應元年六月突厥奴刺部落千餘人內屬請討賊自效丁巳宴奴刺大首領于內殿賜物有差十二月己未投降羌渾歸順州部落乾封州部落歸義州部落順化州部落和寧州部落和義州部落保善州部落寧

定州部落羅雲州部落朝鳳州部落並詣山南西道都防禦使臧希讓請州印希讓以聞許之

永泰元年二月河西党項永定等一十二州部落內屬請置公勞等一十五州許之

二年五月安南生蠻大首領林觀符部落新置德化州管戶一萬六百潘歸國部落新置龍武州管戶一千五百詔安南節度使左散騎常侍周衡宣恩勞徠之

大歷五年春羌大首領白對蓬王守貞胡那悉等各率

部落內屬並授羌之所居羈縻州刺史

德宗貞元九年七月劍南西山羌女哥隣白狗逋祖弱

水南王六國長率種落款附悉董國及清遠王咄霸王

皆歸化

女國等散居西山舊分隸邊郡其祖父或投將軍中郎將果毅等官身後悲為吐蕃所役其部

落大者不過三二千戶各置縣令十數人理之土有絲絮歲輸於吐蕃至是相率款附其種落至者節度使韋臯處之維保霸等州人頗統附之

十年八月吐蕃渠帥論乞髯湯沒藏悉諾碑以其家屬

來降

十二年三月西川節度使韋臯奏于雅州會野路招得
投降蠻首領高萬唐六十九人蠻約一千七百戶二萬
餘口

憲宗元和三年六月沙陀突厥七百人攜其親屬歸于
振武節度使范希朝是月邕管西原蠻首黃少卿歸款
五年五月鹽州奏渭北党項拓跋公政等一十三府連
狀稱管渭北押丁帳幕收放經今十五餘年在鹽州界
今準勅割屬夏州情願依前在鹽州充百姓六月太原

節度柳公綽奏雲州奉成軍部落一百二十帳先移在把頭峰外今却招得二十七帳

六年正月振武節度使李泳奏招收得黑山外契苾部落四百七十三帳

穆宗長慶二年六月鹽州上言北界党項被夏州遣兵劫掠殺戮其都督拓拔萬誠請降詔夏州節度使李祐其党項勿令侵擾

四年二月嶺南奏洞賊黃昌瓊使其黨陳少奇及首領

二十人連款請降十二月鳳翔節度使王承元送到投降吐蕃一十九人各賜衣一襲

文宗太和元年八月靈州奏部落遊奕使拓拔忠義招牧得部落五千餘帳於界首安置訖

開成元年二月天德軍奏生退渾部落三千帳來投豐州

三年九月安西都護馬植奏羈縻州刺史首領麻光耀等先屬南蠻今羌子弟相次到府并納南蠻所文牒衣

物等

武宗會昌元年五月天德軍奏迴鶻嗚沒斯與歷友王子多覽將軍等七人與部下將士三千一十口六十八人來降

宣宗大中三年正月涇原節度使沈季榮奏吐蕃論恐熱以安樂三州及右門七關等歸國

五年八月沙州張義潮遣兄義潭將瓜沙伊肅等十一州圖經戶籍來獻

後唐莊宗同光二年三月蔚州送降附契丹七月六月
雲州節度使李敬文奏達勒首領滂撒于于越族帳先
在磧北去年契丹攻破背陰達勒因相掩擊滂撒于于
率領步族羊馬三萬逃遁來降已到金月南界今差使
蒙越到州便令入奏

明宗天成元年十月契丹平州守將領幽州節度使盧
文進率戶口兵馬車帳來降

二年正月定州行營副招討房知溫奏奚陀羅支領兩

蕃奚內附建牙於營州

三年閏八月契丹平州刺史張希崇殺其契丹以一城居人歸國命中使齋茶藥接之

長興元年六月達怛三十帳內附七月北京奏吐渾千餘帳內附已於天池川靜樂縣界安置八月北京奏吐渾內附欲於嵐州安族帳十月青州奏登州申契丹阿保機男東丹王突欲一行四十餘萬人馬八十疋來歸

二年閏五月吐渾下大首領薛海金等于我

三年五月達靺首領頡哥已下四百人內附

四年正月突厥首領李白山等三十四人內附

末帝清泰二年九月振武楊光遠軍河口蕃部來奔界
上安置

周太祖廣順二年四月定州言契丹羽林都署辛霸卿
等二十三人馬三疋并車牛來奔六月契丹降人孫重
勳等四十四人到闕八月定州言有戶三百自契丹來
歸十月辛卯契丹釣臺鎮將王彥鎮都將盧曉文招收

軍使王瓊等八人來奔十一月契丹界闕南都船務使
王希乾寧軍使孫章而下二十四人來歸十二月契丹
殿頭王進龍武羽林軍校及通事舍人胡延等六人來
奔

三年正月契丹王子元祿二人羽林軍使王遇軍將張
超等十九人來奔二月鎮州言部送契丹來奔銀院使
張知訓等七人三月契丹羽林軍士十五人來降四月
契丹乾寧軍使張韜等三十八人羽林軍將王興等十

五人來奔五月深州送契丹來奔麴院官李緒等十七人指揮使李重筠等十人為儀郎四十人至京師

六月契丹瀛州戎軍陶洞文等十二人及巡檢指揮使葛知友雲州牙將崔崇等十九人招收軍使李彥暉二十一人來奔是月定州送奚契丹來奔綉院使邢福順等十三人并順州刺史男戴原等至闕

七月契丹羽林軍士楊澤等十三人殿直楊晏等二十五人來奔是月滄州李暉送契丹降人盧臺軍使張藏

英等二百二十二人馬二十三疋八月定州部送契丹
歸明軍士齊武等二十九人至京師九月雲州吐渾指
揮使黨富達等五十一人馬駝四十二并朔州軍使馬
延嗣等來奔

冊府元龜卷九百七十七